

文國集目錄

土集卷之二十

啓

壽徐相公八袞啟

賀許相公老師啟

賀張相公老師啟

賀鄧司成老師啟

賀朱宗伯座師啟

候陸太宰公啟

候衷司馬老師啟



壽王相公六袞啟

候同年徐薦所郡侯啟

賀張令君轉常熟啟

報青溪鄧令君啟

秋日邀諸同社啟

上王相公啟

上孫中丞啟

賀許水道啟

上陳御史啟

上虞吏部啟

上饒督學啟

上范憲使啟

候石郡伯啟

迎王郡伯啟

謝按院啟

上傳撫臺啟

何氏芝園集

華亭何三畏士抑 著

啓

壽徐相公八袞啓

恭惟相公一代大賢 三朝碩輔海寓頌佐周之烈
太公方及卜熊鄉邦榮居洛之觀彥博未容終老西
池桃熟六十年甲第重逢南極星高八千歲春秋正
茂習聞天垣尚齒齒乃達尊快覩聖世作人人惟求
舊啣來 冊詔 綸音寵被于黃扉馳去皇華星使

賁臨于綠野濟濟列卿擁瑞節耀庭前金紫之光振
振公姓捧霞觴誇天上麒麟之種允矣 清朝盛事
卓哉奕世嘉禎某夙蒙有造之深恩願祝無疆之遐
算猥以觀光上國妄希附驥之聲弗克利見大人未
遂登龍之望紀盛有慚于竹素傾心徒切于葵丹上
冒尊嚴仰祈貸宥

賀許相公老師啓

贊變化源啟黃扉而調五緯參和鼎實躡青帷而奠
三辰北斗樞機仰吏曹之兼組中台焜燿煥 帝康

之殊紳天官匪私人望斯塞恭惟師相閣下白嶽源
源感星精而誕命烏聊纂慶孕日彩以呈靈蚪蚪聚
文池花生彩筆蛟龍翔菰圃月挂青藜桂英飛秋色
于人間寰宇羨南都冠冕芹草捲晴暉于雒畔橋門
觀西序簪纓弱冠登 朝中興際 聖 明明天子
將黃髮之是咨溫溫恭人亦丹心之克簡弼宣 皇
極狐史藉以參裁祗奉 帝闈龍衮由茲補闕舉相
十六聿觀熙載之能有臣三千首卜同心之助不惟
于鼎斯足抑亦在棟伊隆者也某學並雕虫識同守

何士松芝園集
卷一
兔昔年涸轍曾叨璧水之餘波此日朽株愈沃瑶天之甘露技雖遠于齊瑟教實佩于董絃緬想德星空懷愛日桑榆借重遥彈貢禹之冠桃李分榮敢托洪喬之札敬申燕賀希照駿私

賀張相公老師啓

螭鼎標名舊侍玉皇之香案台階拜冊新成宰相之沙堤咫尺覲天顏吐納風雲之麗從容調斗柄參差奎璧之華誠帝者師為天下瑞恭惟師相閣下彭蠡效祥匡廬布彩道先斯民之覺忠結我后之知甘雨

和風飲一世之醇而自醉泰山喬嶽立千仞之壁以難攀橫經列虎觀之英解綬擬龍沙之讖雲開一館先生自謂玄栖雷動九州主上詎容高卧與其琳琅散耀孰若竹帛爭光乃畀金銜誕承玉旨摩赤霄而理翰乘朱駟以先驅漢閣黃封秦官紫綬領同心同德之佐為輔弼凝丞之司合群策群力之臣專討論潤飾之事民風因之旋轉挽注海之狂瀾國是藉以主張立擎天之孤柱司馬相矣潛銷赤堠之塵股肱良哉大慰蒼生之望某久披塵尾幸侍臯比洗

傅士抄卷四
冒滌腸真如浣九江之流水耳提面命豈特坐一月
之春風君子得與知道行之有命仁賢在位喜天定
之勝人末從伏謁之期敢布太平之賀

賀鄧司成老師啓

虎闕焚珠壯石城之斗色鴻都綉樹搖鍾嶺之霞氛
觀聽如棊趨蹌若織望清巖於天半想風範于雲中
恭惟師相閣下氣凌西山聲傾北闕文熠五章之鳳
魁碩璇樞筆挾八錦之龍名雕桂殿雖先憂後樂暫
為丘壑之棲而主聖臣賢正值風雲之會時論同

歸于台席王絲首被于辟雖六館賢豪盡屬籠中
之藥物十年鄉國尋飛履上之星辰士類仰為岱宗
朝端由茲柱石金章在望楓槐剖藻以揚馭紫綬旋
加冠帶翹顏而承德經綸綉尹康濟摛周青蒲之上
詠樂胥聿載旂常之永白茅之下歌遐福試觀鼎彝
之調其材愧棘林恩厓溉潤雖夫子之墻數仞未得
其門然魯國之儒一人敢忘其教向青雲之歧路輒
顧影而自憐隔絳帳之光塵冀賞音而難必雲霄咫尺
神馬飛馳

賀朱宗伯座師啓

效靈禹穴襲吉稽山虎螭為章繡斧蜚聲于紫柱珠
璣呈質鳴珂接響于黃扉冠冕風生門墻喜溢恭惟
師相閣下學淵鴻寶道揆天庭綴座文昌班三宮朱
鳥之度依星華益樹八垓黃竹之標夙夜惟清不使
夔龍專美斗山在望直令朝野具瞻瑞起鳳毛祥萃
麟趾才華無敵一顧而騏驥空羣筆彩有神乍飛而
蛟龍得雨甄收雄毅時髦盡拜下風高步英躔竊
幸稱佳士儼然入金鑿之仙籍煥為經宗伯之世

家八龍競躍雲津翩翩相種一鳳獨翔天際磊磊人
豪所謂星文應紫京而姓字標青閣者也如其駕臨
下乘謬叨鞭策于康衢樗櫟庸材夙荷栽培于玄圃
雖仰洛中之倍價未收日下之榮聲蕙繞蘭亭神依
詞樹頌言鼎鉉丹綸咫尺下楓宸懸注琳琅紫綬須
史聯玉佩肅陳芹藻遙頌風雲

候陸太宰公啓

秉軸持衡碩望久尊于朝省枕流漱石閒心暫着于
烟霞奉身忽賦歸來舉足終閑輕重想聞丰采伏候

庭階恭惟閣下德量淵泓風標嶽立學徹天人之靈
秘道通今古之玄竒千載主知際風雲于 聖世三
年吏計極涇渭于人材遂傲官邪大伸士氣洵六卿
之師表真八座之羽儀况時事多艱正可同扶舜日
而 皇心寵眷豈宜高卧傳岩胡然北斗之司輒付
東山之想辭尚書之典喉舌將垂意于一丘莫散人
之在江湖早乞身于三徑投簪瀟洒去國之心如丹
議事慨慷憂時之髮益白雖有英之社無參異同乃
縉紳之流靡不仰望某運家後章夫學小儒平生願

識荆州曾通名于介紹咫尺惟盈河水敢有悞二
毫履上星辰竚看雙鳧之燁燁門高山斗鑿存寸縷
之悽悽伏冀為國加餐順時珍玉 帝懷舊弼飛熊
正當夢卜之年 朝重元樞司馬再下延登之命

候衷司馬老師啓

閣下北斗司樞上比天之喉舌南都秉鉞出為王之
爪牙江左有夷吾而復何憂正資經略中原相司馬
而母生事坐見折衝縱橫甲乙丙丁四部之書馳驟
天地風雷八方之陣鬼神壽畫無對壘于一時龍虎

翰鈴壯長城于萬里華夷想聞其風烈州木亦熟其
 威名故時事多艱靡不為之懸竦而軍容大振乃獨
 付之笑談節鎮擁旌人鼓投石枕戈之氣塵埃推轂
 士叨解頰引坐之榮如某者寸謝雕龍學慚夢鳥糞
 簪小器難窺翰墨之盟樗櫟庸資未執詩書之印曩
 翁為二千石而桃李盡收于門墻今某垂二十年而
 驚駭尚置之鞭弭一朝聆味銀箕斗之虛名百倍吹
 竽求非藟之下体誰云脫穎如鉅之處于囊中藉以
 為標直羅而致之幕下爾爾公子未知臭味之同應

應故人特借齒牙之重儼然餽金而枉玉且也秣
 而積草幸有二天過蒙覆庇曾無片伎猥辱提携良
 勞大造之陶鈞敢廢小夫之竿牘所願勒勲脩攘注
 意安危業跡范韓四野息烽烟之警聲追方名千秋
 書社稷之功

壽王相公六袞啓

紫氣南來忽儼真人之在望青鸞西至欣逢壽域之
 弘開方調玉燭以佐宸機旋釀金莖而吸玄液神
 人叶慶朝野交歡恭惟師相閣下元老當朝尊名

世虞臣作人蓋在稷契皋夔之良漢相有真宜居蕭
曹丙吉之冠髮為籌邊而半白心思報國以常丹
宗社同休正豎千秋之大業江湖息影無妨一壑之
初心雖衮衣繡裳遽以公歸而泰山北斗終為士望
會見飛仙來天上灑甘露于雲霄還看慧佛出人間
映桃花于巾舄白毫相裡重現宰官之身青蓮葉中
穩浮太乙之座海宇想其丰采神明相其壽康如某
微緣微材門墻下士情同愛日傾肝膽以攄忱望切
德星酌斗杓而申祝敬馳尺素聊布寸私所冀吐納

烟霞韓旋氣化五百年君五百年相全明良不朽之
盛名三千歲子三千歲花享今古無疆之遐福

候同年徐薦所郡侯啟

明公涇水孕靈敬亭標峻攬華披秀迥謝眺之清音
武王登金繡白庚之遠韻拂香風于仙仗呈鷺影于
朝班望重闕垣聲高郎署謂歷下鄒魯之國而濟上
洙泗之涯五馬分符化雨覃施于渤海雙鸞集境福
星忽照于潁川言如絲而令綸泥紫塗封芝宇昔無
襦而今榜汗青遙紀竹書肇惟簡法 楓宸允矣茂

何士抄卷四
膺齧禁湛凝蘊藉知西省之羽儀整肅丰猷定北扉
之喉舌如某旅蘆下士峰泖猥儒附鷁翼于鳳群同
鹿鳴于冀野雅荷金蘭之契竊叨素韃之榮柰尉風
塵久缺八行奏記茲郵魚腹恭脩尺素起居仰冀焘
原曷勝歡躍

賀張令君轉常熟啓

鸚薦公朝仙令重飛鳧鳥鸞棲岩邑名賢輒試牛刀
士民喁喁以嚮風遐邇依依其歸德恭惟明府丰姿
霞舉氣韻神流治行遍兩京久著賢良于吳會才猷

非百里夙稱保障于東南肫肫殫体國之忠鑿鑿
經時之用蒞峰泖而如沛膏澤入金焦而若烹小鮮
故簡在 睿思尚虛除于楓掖而高推循吏復移節
于隣封雖夾道攀轅潁川惜寇恂之去乃迎郊騎竹
并州喜郭伋之來檜樹寒花挹銅章而啓秀虞峰春
草披墨綬以會香方攬轡而志勵澄清甫下車而懷
厯撫字絃歌聞里閭風迴堂上之琴聲惠政教桑麻
化及田間之雉鳥某欣逢盛事密通清光我有二天
愈托故人之庇士更三日尚希舊雨之恩祗奉函書

何士抄去國集
聊將賀臆

報青溪鄧令君啓

恩沾膏雨三年深倚玉之思澤比春陽一日荷蕪金
之錫讀神君之循傳愧無口以揄揚分蔗吏之杯羹
羞何顏以消受遂忘固陋特誦殷勤恭惟明府毓秀
溫陵發祥高蓋彫戈世胄霏霏詞藻遍西園彩華方
家奕奕才華傾北海蜚聲七閩五華之地按節九峰
三泖之區馴雉飛鯉遠過魯恭之善政飲冰嚙檠直
出揚震之清名變澤國而無麻千家烟火陶孤城以

禮樂萬井絃歌當今報政之期如昨下車之日雖中
牟上蔡何能並其賢良即單父東阿未足方其卓異
如某童縫下士編戶細氓五袴有懷靡匪瞻依父母
雙岐難頌何勝翹跂神明遙從父老兒童之間敢附
風雅歌謠之末屬者秋深鼓棹棲遲建業郊墟歲暮
還家伏謁由拳縣治會閱兵于海邑悵然懷刺而歸
辱投札于蓬樞恍若自天而下一函錦字淋漓五色
之光芒半兩朱提鄭重百朋之寵渥謹拜登于廡下
略報謝于毫端自揣無文殊慚不次伏冀青陽納祉

震氣敷榮谿水蘋繁終受甘棠之福庇春風鳩燕盡
揚鸞鳳之德輝臨楮神馳緘書感切

秋日邀諸同社啓

頃者金飈應律玉露橫霄冷冷素節涼生莞弱舒而
投輕篋冉冉丹葩馥吐袷衣御而釋纖絺斷瓠為食
不減浮瓜沉李鳴蟲在宇何如品竹彈絲小圃臨濠
層樓傍堞起雁聲于汀畔芙蓉侵朱履之顏邀兔魄
于池邊萑葦拂紅妝之袖借蘭亭之逸事勝遊更屬
何人送流火之餘暉羶飲政須吾鄙卜以辛日醜吉

酒而肅賓筵先于巳晨治草蔬而供客飭軒車
童稚迎門

上王相公啓 下代

閣下三朝大老一代名卿以身闕元化之盛衰舉足
係當時之輕重徵書十道 帝懷黃髮之舊臣叩命
九重人倚素絲之碩望東山太傅豈容雙履久棲洛
社耆英共喜中原再相况乎白羽赤羽烽烟雷動於
邊陲蕪以千艘萬艘旗鼓雲連於遼海正 主上旰
食宵衣之會乃忠良輸籌運策之秋而何屢謝恩綸

益堅高卧皇華北指遙看殿上鳴珂綵鷁南還忽轉
天邊飛鳥匡時赤膽寧從温嶠之絕裾去國丹心詎
侶毛公之捧檄尼宣微服而過猶謂遲遲吾行關吏
荷戈以迎無繇數數而見雖鹿麋性野踈曠之罪難
逃而犬馬疾多踟躕之情可念敢馳尺牘聊布寸忱
伏冀與時偕行為國強起轉旋宇宙飲頽世以醇風
吐納星辰立擎天之孤柱毋使蒼生望缺頓令赤堦
塵銷

上孫中丞啓

臺下家聲忠烈士望斗山太宰分曹高揭冰壺於吏
組中丞執法洞懸水鑑於烏臺 天子重樞機之臣
特加節鉞福星臨齊魯之境忽指旌旄文武兼資屏
翰式萬邦之牧伯息威並著旬宣稱四國之于城自
山以東父老兒童共喜蒼生無恙即海以外夷戎蠻
貊皆知中國有人此推轂薦紳以為方枘名虎而揚
休 宗廟以為商霖周楨者也某鄉曲後生簿書小
吏念通家之愛面命耳提施知己之恩左携右挈久
以風塵滯跡遂踈居起于前茅茲從魚雁脩楫恭布

腹心于下執馳神儼切待命慚惶

賀許水道啓

高岡威鳳啣 天詔以來儀澤國妖龍望憲符而徙
宅民溺而溺久懷攬轡之心先憂而憂獨司專閫之
寄伏惟明公懿文華國直道事君讀八索九丘以來
之書莫窮所學得三光五岳未分之氣務究其源望
重斗山名高月旦往年雨師作崇頓教河伯若狂田
化江湖人為魚鱉故天子取之人望委賢勞於北山
乃 朝廷假以事權舒 帝憂于南顧黃金布地

甘露而折楊枝白璧沉河告成工而歌瓠子水衡開
府喜狂瀾之可回父老迎郊恨神君之來暮某幸為
屬吏仰荷恩知謹擁篲以候門躬秣駒而待命不有
君子孰拯草萊之民豈無他人偏叨桑梓之末寸心
莫罄匹練遙馳

上陳御史啓

節建霜臺外握繡衣之斧位聯月寺內通玉筍之班
秉天下平為世道重恭惟台臺氣塞兩間目營四海
忠誠夙著付百鍊而不屈其剛才節燕弘寄千里而

如運諸掌 帝廷錫寵憲紀宣猷遂煩北海之賢仰
紆南顧之慮持旄賁貸草萊賴以頓蘇攬轡澄清黎
藿為之不採棠陰如舊芝檢忽新熊軾照臨快覩使
星之動麟符飛下驚分卿月之暉赫赫 京師寔為
祖宗之根本藹藹吉士宜佐 天子之好生三尺法
凜若秋霜獨揭覆盆之照一片心和如甘雨長回陰
谷之春某幸叨屬吏曲荷鴻慈繫昔教言謹遵承于
下邑矧今命脉惟陶鑄于上臺矯首雲霄委身造化
頓慙負山之力少推涸轍之波旭日在梧桐渺矣翔

高岡之鳳白門多楊柳依然啼栢府之烏謹附駟公
遙申燕賀

上虞吏部啓

臺下學洞玄宗心通靈秘左國文章遷固史擷六執
之英華鄒枚詞賦謝陶詩漱百家之芳潤胸吞綵筆
一時髦俊先驅口吐天葩千古盟壇雄視是以翩翩
其致人推黼黻之工兼之翼翼厥猶世讓經綸之手
目營海甸輒攬纒而志澄清氣薄虹霓每振衣而思
濟淮才名既著人望攸歸司馬旂常方壯爪牙於霜

何士拙其園集
府宰衡樞軸旋標冠冕於天曹蟬佩動而左右交輝
龜組懸而縱橫吐耀是惟華秩允藉高流李胤以廉
平著稱山濤以清潔擅譽裴楷通而王戎簡謝莊咲
而顏峻嗔蓋黜陟縉紳須鑑空衡平之品而抑揚察
察必冰堅玉潤之人匪直羽儀實為領袖雲龍風虎
有是君則有是臣涇濁渭清稱此才而居此位如我
翁者真其選哉虛懷秉公師往喆之有才有地壹意
率職倣前脩之正已正人登竒於牧歌棄釣之中搜
異於牝牡驪黃之外若某遐陬俗吏下邑庸材特以

駟附賢書竊幸姓名之同籍又以星聯隣壤海
梓而同鄉孤鳳千仞高翔欣喜有加于燕雀神龍九
天獨奮吹噓自愧於駑駘仰吏部之門如山斗之高
敢言私請聽天官之履在星辰之上徒切神馳

上饒督學啓

魏闕封章慷慨素聞於朝宁留都時命甄陶遂及於
儒林繡斧出而韋弁具瞻輜軒臨而冠裳交慶恭惟
台臺龍門毓秀壇石呈祥神降嶽而生萃徃古來今
上天下地未分之氣道先民而覺披三墳五典八索

九丘難讀之書綵筆生花桂殿名標獨步寶刀吐萼
璠林譽擅先驅玉筍通班栢臺建節忠心體國成百
鍊不屈之劉直道致君樹千秋無前之業允矣殿中
執法雄哉柱後彈文故學士望之不啻泰山喬岳而
薦紳仰止何如景星慶雲時論同歸負才望而兼德
望 願書特簡借文星以為使星飛旌遙渡江頭攬
轡思澄天下駸駸駉馬霜零鍾嶺之雲峩峩豸冠烏
向白門之柳全纏北斗真人紫氣南來冊挾西崑太
乙青來東照持衡以抑揚庶品振鐸而鎔鑄群英收

桃李於春風吹噓門下三千輩置蛟龍於雲雨鼓動
池中九萬程豈直士沾樂育而欣欣向榮抑且吏切
飯依而喁喁仰德某分符下邑奉職通津挹厲車之
後塵願言秣馬瞻驛路之前道率爾荷戈敬陳荒揭
于臺端敢布微忱于侍左

上范憲使啓

臺下廬山韞玉錦水含珠麗藻龍雕翩翩文雅雄江
右高辭鳳翥奕奕才華冠豫章正氣能砥柱乎中流
壯猷堪寄命以千里廣陵按節飛清霜于甘泉天目

之間建業停車歌白雪於曲阜成皋之表比官尼刺
史乃宦入潤州誠可决隄野獻雙岐之頌清能嚙檠
民宣五袴之歌雖勒石北固之巔未易方其高操即
溯流長江之潤不能喻其息波士民翹首以向風察
屬傾心而歸德某分居下吏逢迎叨十日之知情切
通家覆庇有二天之戴旌旄東指風翔齊魯郊墟劍
佩南來星麗錢塘江上奉 朝廷之三尺照揭覆盆
平邦國以五刑春回陰谷何幸桑榆之地得沾雨露
之仁惟雅念乎通家遂隆施於不肖豸衣甫至即承

寵錫以燕金鳧鳥猶羈未得相將於寸幣莫道丘山
之罪難逃斧鉞之誅敢布私悰伏祈台鑒

候石郡伯啓

臺下珪璋上質霄漢高標鍾赤壁之山靈千尋直幹
毓黃梅之水秀萬頃澄波擬踵前脩輒居官而貞厲
棲心古烈常任事而慨慷豈按節于三吳聿著聲於
千石飲冰齧檠何止却絹懸林徼瑞標奇不數雙岐
五袴禁姦則明窺銖兩馭黠則威震豺狸而何殺青
叢蕪雨之疑意以負懷珠之謗如羊如粟不改夷齊

何士抄芝園集
之心一鶴一葉方知清獻之德惟天祚於我邦故今
錫之使君揚州牛女之墟福星移照禹穴雷門之壤
時雨隨車蓋通者水旱相尋饑寒相迫每有流離瑣
尾之虞而脫也艾蘭同燼珠礫同焚不無宴笑向隅
之嘆治正須於解網民猶望於倒懸霜草秋凋何幸
甘棠覆蔭春旗雷動忽來瑞霽吹噓行九重寬大
之條布千里循良之政豈直如鄧伯道之臨吳郡自
運家糧且將如第五倫之蒞會稽躬刈馬草詠風蹈
維接響於淹中春誦夏弦追蹤于河上某分同下吏

情切編氓慶君子之得輿恨未與竹馬壺漿之列歌
神明之在位願遙從閭閻里巷之間敬奉尺書兼陳
壽菲仰于台聽併鑒毫毛

迎王郡伯啟

福星垂耀一方專屏翰之司僊吏乘槎千里繫旬宣
之望鳧鳥遙飛于閩海星輶忽指于潤州官屬摠衣
候人負弩恭惟臺下會靈漳水毓秀龍川矯首青冥
代擅縹緗之業傾心玄圃家傳鍾鼎之文坐潘縣而
裁花政歌三異從庾樓而嘯月清著四知石畫從容

笑談而弭南郡之盜英聲颯爽指顧而銷潢池之兵
久推轂于縉紳遂啣恩於金紫惟茲京口實衛秣陵
譬彼西都則扶風馮翊方之洛下則河內潁川况以
連歲灾傷兼之通津衝劇向隅之矜斯積納隍之嘆
猶繇自非名世之大賢孰寄匡時之重任俄聞簡命
延佇神君風流王謝之間表儀群吏道德龔黃之右
師帥下民方當駕吉祥之車臨天塹日畿之地行且
驅緹扇之馬入尚禮習戰之鄉鐵塞城頭燁燁朱旗
立止金山寺側鏘鏘蒼珮飛來製錦攸階解繩伊始

如其賦才凡下奉職踈慵奔走暮年未見錐刀之脫
穎踟躕旦暮旋看鸞鳳之揚輝路轉江干預卜歌謠
之美神馳鈴下如聆馨歛之香先兒童竹馬以迎郊
同父老壺漿而伏道故陳荒戩仰異台涵

謝按院薦啓

山岳塵清幸借繡衣之斧雲霄色迥猶瞻玉節之麾
一顧增榮躋駑駘于上駟片言較重軼魚目于靈蛇
良勞大冶之陶鈞敢發微官之竿牘恭惟臺下清
時聞望 昭代羽儀正氣千尋德肖雲臺之瑞直聲

九鼎威疑栢府之霜揭胸中之明鏡照吏弊于迴淵
懸肘後之良方起民疲于空室郵車按部兩乘八月
之槎飛鳥還 朝重轉二星之部雖三吳父老暫違
霖雨之沾濡乃四郡生靈猶喜甘棠之蔽芾南臺冠
豸風憲獨倚以提綱 北闕批鱗縉紳實曰之吐氣
疇意荷囊之薦濫叨推轂之恩如某襪線庸夫瓶簞
小器父書早讀粗知淬礪于此心吏事數更尚媿
攀于時用即清勤百試而一節士民稍稍信之然
邑五年而三遷精力駸駸備矣居官奉職無能表

軍之毫毛夙駕觀風未足副使令之尺寸效非循吏
胡期漢墜之褒名在下僚安望唐階之選雖連篇累
牘盡收屬吏之英賢而歲垢納汙不到孤生之名姓
顧蒙首拔曲被崇嘉破鼓產黃收作籠中之物殘薪
振響列為堂上之音是何宜抑而反揚藉甚以榮而
滋懼希濶千齡之際遇感激一字之吹噓鏤骨當年
不減枯木朽株之戴街環異日寧忘高天厚地之施
依光霽而伏下風慚無健翮冒威嚴而通台候恃有
私衷

上傅撫臺啓

明公望陞縉紳名蜚山斗啣九重綸綍擁巨鎮于
浙之東浙之西寄千里藩宣樹威聲于閩以內閩以
外普一道福星之照沛八方霖雨之施南顧憂舒中
宣詔急雖民懷遺愛攀轅多借寇之私而帝眷重
臣瞻衮下還周之命使華飛動入聯玉筍而絕班行
卿月輝煌遙制繡衣而告領袖暫謝甘棠之憇菱旋
看商鼎之調和某分屬瞻依思叨陶鑄老垂紫綬僅
存溝壑之餘生貧有青箱獨藉簪纓之舊物姑喜投

開于洛社忽驚悵別于蘇天先貢芻蕘之詞代申雀
賀載馳車馬之力躬擬龍登愧削牘以難宣祈披肝
之是幸